

**Aningaasalersuineramik ingerlataqarneq pillugu inatsimmi § 1-ip ilaata Kalaallit Nunaanni atuutilernissaanik peqqussut, pappiaranik nalilinnik niuernerimi il.il. inatsisip, akiliinerimi kiffartuussisarnerit aningaasallu elektronikkikkoortitat inatsisillu assigiinngitsut allat (pissuserissaarnermik malittassat uniorlugit qularnaveeqqusiinerimi taarsiinissamik akisussaaffik, qularnaveeqqusiinerimi atuisunut illersuutit, siulersuisunut ilaasortat tunngaviusumik pikkorissarnissaannik piumasaqaatit, akiliinerimi kiffartuussissutit nioqputiginerini aningaasallu elektronikkikkoortut atuutsinnerini il.il. atuisut illersugaanerat)**

UAGUT MARGRETHE AAPPAAT, Guutip saammaassineratigut Danmarklip Dronningia, nalunaarpugut:

Aningaasaalersuutininik ingerlatsineramik inatsisip, pappiaranik nalilinnik il.il. nioqquteqarnermik inatsisip, akiliinerimi kiffartuussisarnermik aningaasallu elektronikkikkoortitat inatsisillu assigiinngitsut allat (pissuserissaarnermik malittassat uniorlugit qularnaveeqqusiinerimi taarsiinissamik akisussaaffik, qularnaveeqqusiinerimi atuisunut illersuutit, siulersuisunut ilaasortat tunngaviusumik pikkorissarnissaannik piumasaqaatit, akiliinerimi kiffartuussissutit nioqputiginerini aningaasallu elektronikkikkoortut atuutsinnerini il.il. atuisut illersugaanerat) Inatsimmi nr. 1490 decembarip 23-anni 2014-imeersumi § 16, imm. 2<sup>1</sup> naapertorlugu aalajangersarne-qarpoq:

## § 1

Aningaasaliisarnikut ingerlatsineq pillugu inatsisikkut, kunngip peqqussutaatigut nr. 1252 decembarip 15-iani 2004-kkut, peqqussutikkut nr. 1047 septembarip 1.-anni 2010-meersukkut allanngortitakkut, peqqussutikkut nr. 838 aggustip 14-ianni 2012-imeersukkut, peqqussutikkut nr. 1675 decembarip 16-ianni 2015-imeersukkut, peqqussutikkut nr. 1676 decembarip 16-ianni 2015-imeersukkut, peqqussutikkut nr. 1677 decembarip 16-ianni 2015-imeersukkut, peqqussutikkut nr. 1678 decembarip 16-ianni 2015-imeersukkut, peqqussutikkut nr. 1679 decembarip 16-ianni 2015-imeersukkut, peqqussutikkut nr. 1680 decembarip 16-ianni 2015-imeersukkut, peqquttikkut nr. 1681 decembarip 16-ianni 2015-imeersukkut, peqqussutikkut nr. 1682 decembarip 16-ianni 2015-imeersukkut, peqqussutikkut nr. 1683-ikkut decembarip 16-ianni 2015-imeersukkut, peqqussutikkut nr. 1684-ikkut decembarip 16-ianni 2015-imeersukkut, peqqussutikkut nr. 1685-ikkut decembarip 16-ianni 2015-imeersukkut, peqqussutikkut nr. 1686 decembarip 16-ianni 2015-imeersukkut, peqqussutikkut nr. 1687 decembarip 16-ianni 2015-imeersukkut aamma peqqussutikkut nr. 1688 decembarip 16-ianni 2015-imeersukkut aamma [inatsit nr. 403 apriliip 28-anni 2014-imeersoq pillugu] allannguutit makku ingerlanneqassapput:

**1.** (Kalaallit Nunaannut atuutilissanngilaq)

**2.** § 1, imm. 1-imi "imm. 2-14 aamma 17" allanngussaapput imaalillutik: "imm. 2-12 aamma 15"

**3.** § 1, imm. 12 piissaaq.

Imm. 13-16 tamatuma kingorna imm. 12-15-inngussapput.

**4.** § 43-p kingorna ivertinneqassaaq:

"§ 43 a. § 43, imm. 2-mi malittarisassanut akerliusumik iliuutsit, taarsigassarsisitsisarneq pillugu malittarisassat tamanut atuuttut naapertorlugit taarsiisussatut akisussaatsineramik kinguneqassapput."

---

<sup>1</sup> Aalajangersagaq imatut oqaasertaqarpoq: "Imm. 1. "Inatsit Savalimmiunut Kalaallit Nunaannullu atuutinngilaq, taamaattoq tak. imm. 2 aamma 3. Imm. 2. §§ 1-5, 12 aamma 13 kunngip peqqussutaatigut Savalimmiunut Kalaallit Nunaannullu tamakkiisumik ilaannakortumilluunniit atortuulersinneqarsinnaapput, Savalimmiuni Kalaallit Nunaannilu pissutsit tunngavigalugit. Imm. 3. (peerpoq)."

**5. § 48** imatut oqaasertalerneqassaaq:

**”§ 48.** Inuussutissarsiutit avataasigut taarsigassarsianik akilersugassanillunniit aningaaserivimmit tunniunneqartunik qularnaveeqqusiinissamik isumaqatigiissuteqartoqartinnagu, aningaaseriviup qulakkiissavaa qularnaveeqqusiisoq isumaqatigiissutissap imaanik aamma qularnaveeqqusiinermik akisussaaffilernerup kingunissaanik naammattumik paasissutissinneqarsimassasoq. Paasissutissiinerup tamatuma imarissavai paasissutissat qularnaveeqqusiisutut akisussaaffilernerup suut kingunissarinera, aamma oqimaaqatigiissumik imarissallugit tamatumunnga tunngasuni aarlerinaataatit. Aammattaaq aningaaseriviup akiligassalimmuut akiligassai qularnaveeqqusigaasussamut, akiligassallip akuersineratigut tunniunneqartussatut qularnaassavai

- 1) Akileraartarnermut Pisortaqaqfimmit inaarutaasumik nalunaarsuut kingulleq,
- 2) akissarsiat allagartaat kingulliit pingasut imaluunniit
- 3) ukiu moortumik naatsorsuutit kingulliit, inuussutissarsiummik ingerlatsisup akiligassai qularnaveeqqusigassaappata.

*Imm. 2.* Aningaaseriviup imm. 1-imik malinnissimanngitsup qularnaveeqqusiinissamik pisussaaffik taamaallaat atuutsissinnaavaa qularnaveeqqusiisoq allatigut illersorneqarsinnaasumik tunngavissaateqarpat aarlerinaatit qularnaveeqqusiinermut peqataanissamut tunngassutillit nalilissallugit.

*Imm. 3.* Imm. 1 naapertorlugu qularnaveeqqusiinermik isumaqatigiissutit atuuttut naammassiatut isigineqarsinnaanngorlugit suliarineqassapput pappiarami imaluunniit nalunaarsuivimmi aanngartanngitsumi.

*Imm. 4.* Qularnaveeqqusiisoq akisussaaasutut pisussaasinnaanngilaq aningaasanut taarsigassarsiat atsiorneqarnerminni angissusiat qaangerlugu imaluunniit akiligassat qularnaveeqqusiinissamik isumaqatigiissutit atsiorterani annertunerpaaffiat qaangerlugu amerlassusilinnut.

*Imm. 5.* Imm. 1 naapertorlugu qularnaveeqqusiinissamik isumaqatigiissutini aningaaseriviup ukiukuutaartumik allakkatigut qularnaveeqqusiisoq nalunaarfigisassavaa akilersugassat qularnaveeqqusiisup qularnaveeqqusersimasaasa annertussusiannik.

*Imm. 6.* Taarsigassarsisoq taarsigassarsiat atsiorneqarnerminni angissusiannut, kittaarlugit akilersugassanut imaluunniit ernianut akiliarsimanngippat, akilersuutit tamakku naaffissaat kingusinnerpaamik qaammatit pingasut kingorna qularnaveeqqusiisumut allakkatigut imaluunniit nalunaarsuivikkut aanngartanngitsukkut nalunaaruteqartoqassaaq. Imm. 1 aamma assinganik atuutissaaq aningaaseriviup qularnaveeqqusiisoq tamatumunnga akuersisinnagu taarsigassarsisoq kinguartitsigallartippagu.

*Imm. 7.* Imm. 6-imi piffissaliussaq qaangerneqarsimappat, qularnaveeqqusiinermik pisussaaffik qularnaveeqqusiisumut taamaallaat atuutsinneqarsinnaavoq aningaasat annertussusiannut taarsigassarsisup pisassarisat qularnaakkat amerlassusissarigaluannut taarsigassarsisup akiligassaanut, taarsigassarsisup akilersugassat tamaasa akilertarsimappagit piffissaq nalunaaruteqarfiusoq qaammatinik pingasunik sioqqullugu.

*Imm. 8.* Imm. 6-imi, imm. 7 apeqquataatinnagu, piffissarititaasumik qaangiineq kinguneqassaaq aningaaseriviup qularnaveeqqusiisumut piumasaqaatiminik annaasaqaneramik, taassuma taarsigassarsisumut utertitseqqussutaa annikillimappat.

*Imm. 9.* Imm. 1 naaperorlugu qularnaveeqqusiinissamik pisussaaffik ukiut qulit kingornagut qaangiuttarpoq, imaluunniit qularnaveeqqusiinissamik isumaqatigiissut aalajangersarneqarsimappat akiligassanut annertussutsimikkut assigiinngisitaartunut imaluunniit taarsigassarsianut akilereersimaffissaannik piffissaligaanngitsunut ukiut tallimat qangiunneranni, imaassimanngippat tamanna sioqqullugu pisussaaffik aningaaserivimmit piumasarineqarsimasoq. Imm. 1 atuutinngilaq taarsigassarsianut piumasaqaatitaminni obliogationinik immikkut matussusigaasunik atuutsitsinikkut aningaasaligaasinnaasuni, qularnaveeqqusiisoq tamanna pillugu taamatumalu kingunissaanik erseqqissumik paasisinneqarsimappat.

*Imm. 10.* Imm. 1 naapertorlugu qularnaveeqqusiisuunissamik pisussaaffik pillugu isumaqatigiissut tamakkiisumik ilaannakortumillunniit qaangiinnarneqarsinnaavoq qularnaveeqqusiisup aningaasaqarneranut naapertuutinngippat.

*Imm. 11.* Imm. 1-10 assinganik atuutissapput inuup allap qularnaveeqqusissutaanut inuussutissarsiutit avataatigut.”

6. § 53-ip kingornagut § 54-imi qulequtaq sioqqullugu ivertinneqassaaq:

**§ 53 a.** § 48, imm. 1-8, 10 aamma 11 assinganik atuutissaaq realkreditinik ingerlatsivinnut, taamaattoq tak. imm. 2.

*Imm. 2.* § 48, imm. 4 realkreditikkut taarsigassarsianut atuutissanngilaq, pigisaq nalilik taarsigassarsianut sallunaveeqqutigisaq qularnaveeqqusiisumit ineqarfigineqarpat aamma taarsigassarsisoq qularnaveeqqusiisorlu erseqqisumik paasissutissinneqarsimappata akiliisussatut pisussaanerup taarsigassiat atsiorneqarnerminni angissusiat qaangersinnaagaa."

7. § 64 a-p kingornanut ivertinneqassaaq:

**§ 64 b.** Aningaaserivimmi, realkreditimik ingerlatsivimmi imaluunniit sillimasiisarnermik ingerlatsivimmi siulersunut ilaasortap sapinngisamik pilertornerpaamik aamma kingusinnerpaamik siulersuisunut ivertitaanerminniit qaammatit 12 kingorna suliffeqarfimmi taama ittumi piginnaasassat, pisussaaffiit atuuffiillu pillugit pikkorissarneq naammassissavaa.

*Imm. 2.* Finanstilsynetip Imm 1-mi piumasaaqat siulersuisunut ilaasortamut atuutisngitsoorsinnaavaa ilaasortaq ilisimasamigut, pisinnaasamigut misilittakkamigulluunniit naammattumik piginnaasaqarpat.

*Imm. 3.* Imm. 1-imi taaneqartumut tunngaviusumik pikkorissarnissamut imarititassat Finanstilsynetip aalajangersassavai.

8. (Kalaallit Nunaannut atuutissanngilaq)

9. § 126 a, imm. 9-mi "anigaasalersuineramik ingerlatsiviit inatsisikkut Kalaallit Nunaannut atuutilersimasut" kingornagut ivertinneqassaaq: "aamma malittarisassat artikel 25-88 naapertorlugu atuutilersinneqarsimasut."

10. § 162 b imatut oqaasertalerneqassaaq:

**§ 162 b.** Aningaasaatitigut peqatigiiffiit imaluunniit nunat allamiut aningaasalersuinerami ingerlatsiviit § 162, imm. 1, nr. 8-mut ilagitinneqartut immikkoortortamik tamarmik malittarisassaanni aalajangersassavaat, pisuussutit tamakku aningaasalersuutigineqarsinnaammata malittarisassani imm. 2, 3, 4 aamma 5 naapertorlugit.

*Imm. 2.* Pisuussutit aningaasaliissutigineqarsinnaapput lov for Danmark om investeringsforeninger m.v.-mi immikkoortoq 14 naapertorlugu.

*Imm. 3.* Pisuussutit aningaasaatinut tigoraaannarnut aningaasaliissutigineqarsinnaapput, tassunga ilagitillugit nunat aningaasaat imaluunniit atortussat allat ilaliussaq 5-imi taaneqartut. Pisuussutit annerpaamik 10 procentii aningaasatigut atortussiani aningaasaliissutinik ilaqqiinerup assinganik imaluunniit ingerlatsivimmi pineqartumi aningaasaliissutinik ilaqqiinerup aningaasaliissutigineqarsinnaapput. Imm. 2 pisuni ima ittuni atunngilaq:

1) Immikkortortaq obligationitigut, nunami ataatsimi imaluunniit nunani tamalaani suliffeqarfimmi pisortatut pissusilimmi nunap ataatsip arlallilluunniit Den Europæiske Unionimiittut nunalluunniit Unionip aningaasarsiornikkutt isumaqatigiissuteqarfigisimasaaniittut peqataaffigisaanni Finanstilsynimillu akuerineqarsimasut, tak. lov for Danmark om investeringsforeninger m.v.-mi § 147, imm. 4 nr. 4, aningaasaliissuteqarpata.

2) Immikkoortortaq obligationinik ima ittunik aningaasaliissuteqarpat, taamaattoq imatut annerpaamik pisuussutit 30 pct.-ii obligationit, ingerlatsivimmit tamatumanga ilaqqiisumit imaluunniit ilaqqiisunit inissinneqartut atulersinneqarsimasunik:

a) Kasse- og skibskreditobligationer Danmarks Skibskredit A/S-imit atulersinneqarsimasut, realkreditobligationer danskit kalaallillu realkreditinik ingerlatsiviit imaluunniit realkreditorganisationinut assingusuni Den Europæiske Unionip iluani nunamit akuerineqartumit imaluunniit nunamit Unionip taassuma aningaasalersuisarnikkutt isumaqatigiissuteqarfigisimasaanit, pisortatigut oqartussaaffiup piginnaatitaaffillip obligationinik atuutilersitsisartut atuutsitsisartullu Kommissionimut nalunaarutigisimappagit.

b) Realkreditobligationit immikkut matussusikkat (SDRO) aamma obligationit immikkut matussusikkat (SDO) danskit aningaaseriviit, realkreditinik ingerlatsiviit imaluunniit Danmarks Skibskredit A/S-imit imaluunniit aningaasalersuisarnermi ingerlatsivinnit assingusumik matussusikkatut atulersitanik, Den

Europæiske Unionimi nunamit ataatsimit imaluunniit nunamit Unionip taassuma aningaalersuisarnikkut isumaqatigiissuteqarfigisimasaanit, oqartussaasup piginnaassusillip obligatiioninik atuutilersitsisartut atuutsitsisartullu Kommissionimut nalunaarutigisimappagit.

*Imm. 4.* Pisuussutit aningaasanik nioqquteqarnermik atortussianuinaq aningaasaliissutigineqarsinnaapput, pisuussutit annerpaamik 30 procentii aningaasanik nioqquteqarfinni atortussianut inissinneqarsinnaammata, ingerlatsivimmi ataatsimi ilaqqiisumit imaluunniit ilaqqiisunit atuutilersinneqartunut, kisianni imaalillugit pisuussutit aningaasanik nioqquteqarfinni atortussianut tamakkiisumik aningaasaliissutigineqarsinnaasut nunani imaluunniit nunani tamalaani ingerlatsivinni pisortatut pissusilinni, Den Europæiske Unionimi nunap ataatsip arlallilluunniit nunallunniit Unionip taassuma aningaasaliisarnermi suliat iluanni isumaqatigiiffigisimasaaniittunit peqataaffigisaannik atuutilersinneqarsimasut, aamma Finanstilsynet-imit, tak. lov for Danmark om investeringsforeninger m.v.-mi § 147, imm. 1, nr. 4,-kkut akuerineqarsimasut.

*Imm. 5.* Pisuussutit UCITS-imi immikkoortortanut piginneqataassutitut, kapitalforeninginut imaluunniit nunat allamiut aningaasalersuinikkut ingerlatsiviinut, taakkua malittarisassaak killilersuutinik § 162 a-mi nalunaarneqartunik imaqarpata, taamaattoq imaalillugu pisuussutit annerpaamik 75 pct.-ii piginneqataassutitut UCITS-it immikkoortuisa ilaannit ataatsimit, kapitalforeningiinit imaluunniit nunat allamiut aningaasalersuinikkut ingerlatsiviinut atuutilersinneqarsimallutik, aningaasaliissutigineqarsinnaapput.”

**11.** (Kalaallit Nunaannut atuutissanngilaq)

**12.** (Kalaallit Nunaannut atuutissanngilaq)

**13.** (Kalaallit Nunaannut atuutissanngilaq)

**14.** § 343, *imm. 1-imi* “immikkoortoq 21 nakkutiginninneq, immikkoortoq 22 akileraarutit aamma immikkoortoq 23 agguassinermit maalaarsinnaanermullu aalajangersakkat” allanngussaaq imaalillugu: “aamma immikkoortoq 21, 22 aamma 23 kiisalu immikkoortut taakku naapertorlugit malittarisassat atulersinneqartut.”

**15.** § 343 *m, imm. 1* imatut oqaasertalerneqassaaq:

“Immikkoortoq 21 aamma 23 malittarisassallu immikkoortut taakku naapertorlugit atuutilersinneqartut naleqqussarnerit pisariaqartut peqatigalugit aningaasalersuinermit siunnersortitut assigiimmik atuuffeqassapput.”

**16.** § 343 *r-imi imm. 4-tut* ivertinneqassaaq:

“*Imm. 4.* Immikkoortut 21 aamma 23 malittarisassallu immikkoortut taakku naapertorlugit atuutilersinneqartut naleqqussarnerit pisariaqartut peqatigalugit paasissutissanik qitiusumik katersuivinnut assigiimmik atuuffeqassapput.”

**17.** (Kalaallit Nunaannut atuutissanngilaq)

**18.** (Kalaallit Nunaannut atuutissanngilaq)

**19.** § 344, *imm. 8-mi* “anigaasaqarnikkut suliffeqarfik nammineq tunisassiortuunngitsaq”-p kingornatigut ivertinneqassaaq: “, sillimmasiisarfik nammineq tunisassiortuunngitsaq”.

**20.** § 346, *imm. 1, imm.1-imi* “, sillimmasiisarfii nammineq tunisassiortuunngitsut aamma paasissutissanik qitiusumik katersuviit ataatsimoorussat atugaat” imaalillugu allanngussaaq: “aamma sillimmasiisarfii nammineq tunisassiortuunngitsut atugaat”.

**21.** § 347, *imm. 1, imm. 1-imi* “paasissutissanik katersuviit ataatsimoorussat,” peerpoq.

**22.** § 347 *a-mi* “anigaasalersuisarnermi ingerlatsiviit” kingorna ivertinneqassaaq: “, anigaasaqarnikkut suliffeqarfii nammineq tunisassiortuunngitsut aamma sillimmasiisarfii nammineq tunisassiortuunngitsut,”

aamma inissisimanerni marlunni "aningaasaliisarnermik sullissivik" allanngortissaaq imaalillugu: "suliffeqarfik".

**23.** § 347 b, imm. 1, imm. 1-imi ", sillimmasiisarfik nammineq tunisassiortuunngitsoq imaluunniit paasisutissanik katersuivik ataatsimoorussaq" imaalillugu allanngussaaq: "imaluunniit sillimmasiisarfik nammineq tunisassiortuunngitsoq".

**24.** § 351, imm. 2, "imaluunniit § 64 a,"-p kingorna ivertinneqassaaq: "imaluunniit aningaaserivimmi, realkreditimik ingerlatsivimmi imaluunniit sillimmasiisarnermik ingerlatsivimmi siulersuisunut ilaasortamut aamma § 64 b, imm. 1,"

**25.** § 351, imm. 5-imi "imm. 3, nr. 2, 3 imaluunniit 4,"-p kingorna ivertinneqassaaq: "§ 64 b".

**26.** (Kalaallit Nunaannut atuutissanngilaq)

## § 2

*Imm. 1.* Peqqussut atuutilissaaq 1. august 2019-imiit, taamaattoq tak. imm. 2-8.

*Imm. 2.* Erhvervs- og vækstministerip § 1, nr. 7, 24 aamma 25-p atuutilerfissaat aalajangersassavaa.

*Imm. 3.* Aningaasalersuisarnermik ingerlatsineq pillugu inatsimmi, kunngip peqqussutaatigut Kalaallit Nunaannut atuutilersinneqartukkut, inatsisimmi matumani § 1-ikkut, nr. 5 aamma 6-ikkut oqaasertaligaasumi §§ 48 aamma 53 a atuutilissapput 1. december 2019.

*Imm. 4.* Aningaasalersuisarnermik ingerlatsineq pillugu inatsimmi § 48, imm. 1, 2 aamma 10, kunngip peqqussutaatigut Kalaallit Nunaannut atuutilersinneqartukkut, peqqussummi matumani § 1-ikkut, nr. 5-ikkut oqaasertaligaasumi qularnaveeqqusiinermi isumaqatigiissutinut aamma isumaqatigiissutinut inuup allap qularnaveeqqusiissutaanut peqqussutip atuutilertera sioqqullugu aalajangersagaasimasunut atuutissanngilaq, tak. imm. 3.

*Imm. 5.* Aningaasalersuisarnermik ingerlatsineq pillugu inatsimmi § 48, imm. 6-8, kunngip peqqussutaatigut Kalaallit Nunaannut atuutilersinneqartukkut, peqqussummi matumani § 1-ikkut, nr. 5-ikkut oqaasertaligaasumi, aatsaat inuup allap isumaqatigiissutaanut atuutissaaq akilersuutit pineqartut peqqussutip atuutilertera kingorna akilereersimasussaappata, tak. imm. 3.

*Imm. 6.* Aningaasalersuisarnermik ingerlatsineq pillugu inatsimmi § 48, imm. 3, 4 aamma 9, kunngip peqqussutaatigut Kalaallit Nunaannut atuutilersinneqartukkut, peqqussutip matuma § 1, nr. 5-imi oqaasertaligaasumi, atuutissanngillat inuup allap qularnaveeqqusiissutaanut peqqussutip atuutilertera sioqqullugu aalajangersarneqarsimasunut, tak. imm. 3.

*Imm. 7.* § 1, nr. 6 qularnaveeqqusiinermik isumaqatigiissutinut aamma inuup allap qularnaveeqqusiissutaanut peqqussutip atuutilertera sioqqullugu aalajangersarneqarsimasunut atuutissanngilaq, tak. aningaasalersuisarnermik ingerlatsineq pillugu inatsimmi imm. 1. § 48, imm. 6-8, kunngip peqqussutaatigut Kalaallit Nunaannut atuutilersinneqartukkut, peqqussutip matuma § 1, nr. 4-mi oqaasertaligaasooq, atuutissaaq realkreditimik ingerlatsisunit taarsigassarsiissutinut qularnaveeqqusiinernut aamma inuup allap realkreditikkut taarsigassarsiaanik isumaqatigiissutinut qularnaveeqqusiissutinut, akilersuutit pineqartut peqqussutip atuutilertera kingorna killeqarsimappata, tak. imm. 3.

*Imm. 8.* Qularnaveeqqusiinissamik isumaqatigiissutit aamma inuup allap qularnaveeqqusiissutaanik isumaqatigiissutit, peqqussutip atuutilertera sioqqullugu isumaqatigiissugineqarsimasunut, tak. imm. 3, imaluunniit imm. 4-7-imut ikaarsaariarnermi aalajangersakkanut ilagitinneqartut, malittarisassat maannamut atuuttut atuutissapput.